

<ՀԱՍՏԱՏՎԱԾ Է>

<Անալիտիկ> ՓԲԸ

10 06 2016 թ.

տարեկան ընդհանուր ժողովի կողմից

Ժողովի նախագահ՝ ՀՀ ԷԲՊ

նախարար Լ. Յոլյան



<ԱՆԱԼԻՏԻԿ> ՓԲԸ

2015 ԹՎԱԿԱՆԻ ՏԱՐԵԿԱՆ

ՀԱՇՎԵՏՎՈՒԹՅՈՒՆ

-ԵՐԵՎԱՆ-

ԲՈՎԱՆԴԱԿՈՒԹՅՈՒՆ

1. Տեղեկատվություն Հնկերության, նրա կառավարման մարմինների և ենթակառուցվածքների մասին
2. Արտադրական գործունեություն
3. Ֆինանսատնտեսական գործունեություն
4. Աշխատանք և աշխատավարձ
5. Եզրափակիչ դրույթներ
6. Հավելվածներ

I. ՏԵՂԵԿԱՏՎՈՒԹՅՈՒՆ ԸՆԿԵՐՈՒԹՅԱՆ ՄԱՍԻՆ

Անվանումը՝	
հայերեն լրիվ	<Անալիտիկ> փակ բաժնետիրական ընկերություն
կրճատ	<Անալիտիկ> ՓԲԸ
ռուսերեն լրիվ	Закрытое акционерное общество <Аналитик>
կրճատ	ЗАО <Аналитик>
անգլերեն լրիվ	<Analitic> closed joint-stock company
կրճատ	<Analitic> CJSC
հասցեն	ՀՀ, ք. Երևան, Կոմիտաս 29, 0012
հեռախոսը	(+37410) 275073
հարկային մարմինում գրանցման համարը	00000749
<Անալիտիկ> ՓԲԸ հաշվարկային հաշվի համարը Արդշինինվեստբանկ	247010000526
Պետ.ռեգիստրում գրանցման ամսաթիվը	12.02.2009թ.
Գրանցման համարը	26414000773
Վկայականի թիվը	01 Ա 008033
Իրավակազմակերպական ձևը	փակ բաժնետիրական ընկերություն

Ընկերության կանոնադրական հիմնադրամի մեծությունը կազմում է 10970000 դրամ, բաժնետոմսերի քանակը 47 հատ հասարակ (սովորական) անվանական բաժնետոմսեր: Մեկ բաժնետոմսի անվանական արժեքը 233404 դրամ:

Բոլոր բաժնետոմսերը տեղաբաշխված են, պատկանում են Հայաստանի Հանրապետությանը, վճարված են նրա կողմից և կառավարվում են ՀՀ կառավարության և նրա լիազորված անձի ՀՀ էներգետիկայի և բնական պաշարների նախարարի կողմից:

ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՄԲ ՆԱԽԱՏԵՍՎԱԾ ԽՆԴԻՐՆԵՐԸ ԵՎ ՆՊԱՏԱԿՆԵՐԸ

Ընկերության ստեղծման նպատակն է տնտեսական գործունեություն իրականացնելու ճանապարհով շահույթի ստացումը, որն իրականացնելու համար ընկերությունը զբաղվում է հետևյալ գործունեությամբ՝
օգտակար հանածոների հայտնաբերման նպատակով երկրաբանական նմուշների համալիր հետազոտում:

Օրենքով սահմանված գործունեության առանձին տեսակներով ընկերությունը կարող է զբաղվել միայն լիցենզիայի (հատուկ թույլտվություն) առկայության դեպքում:

Ընկերությունն ունի <Որակի բնագավառում քաղաքականություն>:

ԸՆԿԵՐՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԸ

1. Բաժնետիրոջ ընդանուր ժողով՝ Ընկերության կառավարման բարձրագույն մարմին

Լևոն Յուլյան - ՀՀ Էներգետիկայի և բնական պաշարների նախարար, ընկերության բաժնետոմսերի կառավարման լիազորություններն իրականացնող

2. Ընկերության միանձնյա գործադիր մարմին՝

Սուսաննա Հովսեփի Սարգսյան - ընկերության գլխավոր տնօրեն -

**ԸՆԿԵՐՈՒԹՅԱՆ ՍՏԵՂԾՄԱՆ ՊԱՏՄՈՒԹՅԱՆ
ՀԱԿԻՐՃ ՆԿԱՐԱԳՐՈՒԹՅՈՒՆԸ**

<Անալիտիկ> փակ բաժնետիրական ընկերությունը ստեղծվել է ՀՀ բնապահպանության նախարարության 26.12.1997թ. N 135 որոշման համաձայն, <Անալիտիկ> ՊՓԲԸ <Կենտրոնական լաբորատորիա> պետական ձեռնարկության վերակազմավորման ճանապարհով: Ընկերությունը հանդիսանում է <Կենտրոնական լաբորատորիա> պետական ձեռնարկության իրավահաջորդը (վկայական 01Ա008033, գրանցման թիվ 264.140.00773): ՀՀ կառավարության 15.05.2008թ. թիվ 653-Ն որոշմամբ <Անալիտիկ> ՊՓԲԸ-ի բաժնետոմսերի կառավարման լիազորությունները վերապահվել են ՀՀ էներգետիկայի և բնական պաշարների նախարարին: Ընկերության 30.12.2008թ. արտահերթ ընդանուր ժողովում ընկերությունը վերանվանվել է <Անալիտիկ> ՓԲԸ:

Ընկերության կանոնադրությունը իրավաբանական անձանց պետոեգիստրի Արաբկիրի տարածքային բաժնում գրանցվել է 12.02.2009թ.:

ՏԵՂԵԿԱՏՎՈՒԹՅՈՒՆ ԵՆԹԱԿԱՌՈՒՑՎԱԾՔՆԵՐԻ ՄԱՍԻՆ

Ընկերության տնօրինության տակ է գտնվում լաբորատոր նպատակներով կառուցված շենքը, որը շահագործման է հանձնվել 1970 թվականին, և կից հողատարածքը:

ՀՀ կառավարության 21.05.1998թ. թիվ 311 որոշման համաձայն ընկերությանը պետական սեփականության իրավունքով տրամադրվել է անշարժ գույքի սեփականության (օգտագործման իրավունքի գրանցման վկայական, որը գրանցվել է անշարժ գույքի կադաստրի պետական կոմիտեի 1-2 մատյանի 0000054 համարի տակ:

Շենքի ընդանուր մակերեսը կազմում է 3355.6 քառ.մետր, իսկ հողամասի չափը՝ 0.42 հա:

II. ԱՐՏԱԴՐԱԿԱՆ ԳՈՐԾՈՒՆԵՈՒԹՅՈՒՆ

2015 թվականի ընթացքում <Անալիտիկ> Փակ Բաժնետիրական Ընկերությունն աշխատել է 3 մասնագիտացված լաբորատորիաներով՝

1. ֆիզ - քիմիական մեթոդներով հետազոտման լաբորատորիա
2. քիմիական լաբորատորիա
3. ոչ հանքային հումքի փորձարկման լաբորատորիա:

Լաբորատոր աշխատանքների ծավալը, դրամական արտահայտությամբ (առանց ԱԱՀ-ի) կազմում է 105 միլիոն դրամ, նախահաշվով նախատեսված էր 70 մլն. դրամի անալիտիկ աշխատանքներ: Ըստ մասնագիտացված լաբորատորիաների կատարված աշխատանքների ծավալը հետևյալն է.

N	Մասնագիտացված լաբորատորիա	2015թ. կատարված ծավալը (մլն.դրամ)	2015թ. կատարված ծավալը /նմուշ/
1.	Ֆիզ-քիմիական մեթոդներով հետազոտման լաբորատորիա	52,8	5280
2.	Քիմիական լաբորատորիա	51,8	4428
3.	Ոչ հանքային հումքի փորձարկման լաբորատորիա	0,4	44
	Ընդամենը	105	9752

Ընդերքի հետ կապված երկրաբանական խնդիրների լուծումն անհնար է առանց լաբորատոր ուսումնասիրությունների, քանի որ այդ արդյունքների շնորհիվ է հնարավոր հաստատել հետազոտվող օգտակար հանածոների որակական ու քանակական բնութագրերը, քիմիական կազմը և դրանց արդյունաբերական օգտագործման ուղիները: Լաբորատոր ուսումնասիրությունների արդյունքները երկրաբանական աշխատանքների հայելին է, ուր յուրաքանչյուր անալիտիկ տվյալ իր արտացոլումն է գտնում այդ աշխատանքների արդյունավետության մեջ:

<Անալիտիկ> ընկերության կադրերի բարձր որակավորումը, տեխնիկական զինվածությունը և ժամանակակից այնպիսի անալիտիկ մեթոդների կիրառումը՝ ինչպիսիք են ատոմային-աբսորցիան, թերմոգրավիմետրիան, քրոմատոգրաֆիան, ինֆրակարմիր սպեկտրոսկոպիան, թերմիկան, դիֆրակտոմետրիան, և այլն, հնարավորություն են տալիս լաբորատոր հետազոտությունները կատարել պատշաճ մակարդակով, ապահովելով վստահելի անալիտիկ տեղեկատվություն երկրաբանական աշխատանքների ցանկացած փուլում:

Լաբորատոր հետազոտությունների հիմնական առարկաներն են հանդիսանում բազմամետաղ, սուլֆիդային, պղնձային, պղնձակուլչեդային, պղնձամոլիբդենային հանքանյութերը, սիլիկատային լեռնային ապարները, խմելու, ոռոգման և հանքային ջրերը, շինանյութերը և այլն:

Հաշվետու տարում ընկերության ֆիզքիմ մեթոդներով հետազոտման լաբորատորիայում տեղադրվեց հարգորոշիչ նմուշների հալման պրոցեսի համար անհրաժեշտ սելիտային տաքացուցիչներով աշխատող վառարան: Ձեռք բերվեց ատոմային-աբսորբցիոն եղանակով Co, Ni, Mn, Zn էլեմենտների որոշման սպեկտրալ կատոդային լամպեր: Անալիտիկ աշխատանքների որակի վերահսկման նպատակով ձեռք բերվեցին նաև պորֆիրիտային OREAS 502 Ստանդարտ նմուշը՝ պղինձ, մոլիբդեն, ոսկի պարունակությամբ և բազմամետաղ OCO-509-11 Ստանդարտ նմուշը՝ պղինձ, ոսկի, արծաթ, ցինկ, կապար էլեմենտների պարունակությամբ: 2015թվականի ընթացքում Գերմանական հայտնի TÜV NORD ընկերությունը անցկացրեց <Անալիտիկ> ՓԲԸ-ի Որակի կառավարման համակարգի հերթական աուդիտը, (սկսած 2011թվականից), որի արդյունքները մեկ անգամ ևս հաստատեցին լաբորատորիայի որակի համապատասխանությունը Միջազգային ISO 9001-2008 ստանդարտի պահանջներին:

1. Ֆիզ-քիմիական մեթոդներով հետազոտման լաբորատորիայում կատարվում են

թանկարժեք մետաղների պարունակության որոշումներ՝ տարբեր անալիտիկ մեթոդներով:

2. Քիմիական լաբորատորիայում կատարվում են սև, գունավոր, հազվագյուտ ու ցրված, ավալիական մետաղների սիլիկատների, ջրերի նմուշների քիմիական հետազոտումներ:

3. Ոչ հանքային հումքի փորձարկման լաբորատորիայում կատարվում են երկրաբանական նմուշների (լեռնային ապարներ, շինանյութերի) ֆիզիկական և մեխանիկական փորձարկումներ: Արդյունքների հիման վրա տրվում է եզրակացություն, որտեղ նշվում է հետազոտված նմուշների համապատասխանությունը ստանդարտի պահանջներին և նպատակային օգտագործման հնարավորությունները:

III. ՖԻՆԱՆՍԱՏՆՏԵՍԱԿԱՆ ԳՈՐԾՈՒՆԵՈՒԹՅՈՒՆ

2015 թվականին ընկերության տարեկան եկամուտը հիմնական գործունեությունից կազմել է 105042.0 հազ. դրամ: Նշված եկամուտի գոյացման աղբյուրներն են մասնագիտացված լաբորատորիաների կողմից կատարված երկրաբանական նմուշների լաբորատոր հետազոտումները:

Այլ եկամուտը կազմել է 10310.0 հազ. դրամ, որից՝ գործառնական վարձակալություն՝ 7249.0 հազ. դրամ, ֆինանսական ներդրումներից /ավանդ/ և բանկի տոկոսներից ստացված եկամուտ՝ 2972.0 հազ. դրամ, այլ՝ 89.0 հազ. դրամ: Ընդամենը համախառն եկամուտը կազմել է՝ 115352.0 հազ. դրամ:

Իրացված աշխատանքների ինքնարժեքը կազմել է 74414.0 հազ. դրամ, վարչական ծախսերը՝ 30286.0 հազ. դրամ, գործառնական այլ ծախսերը /հարկեր և այլ / 1261.0 հազ. դրամ: (հավելված 1):

Աշխատավարձ և դրան հավասարեցված վճարումները կազմել են՝ 77347.0 հազ. դրամ:

2015թ. ընկերությունը ապահովել է շահույթ՝ 9391.0 հազ. դրամի:

Ընդհանուր ծախսերի մեջ առանձին ծախսային հոդվածների համամասնությունը տոկոսային արտահայտությամբ կազմում է՝

հազ. դրամ

Աշխատավարձ և դրան հավասարեցված վճարներ	77347	73,0%
Հումք և նյութեր	9313	8,8%
Հիմնական միջոցների վերանորոգման, սպասարկման ծախսեր	961	0,9%
Հիմնական միջոցների ամորտիզացիա	10212	9,6%
Այլ ծախսեր	7000	6,6
Հարկեր	1128	1.1%
Ընդամենը	105961	100%

Ընկերության ակտիվների կառուցվածքում ոչ ընթացիկ ակտիվները կազմում են 94.1 %:

Սեփական կապիտալը կազմում է 832462.0 հազ. դրամ և կազմում է հաշվեկշռի պասիվային մասի 79,3%: Կանոնադրական կապիտալի գուտ գումարը կազմում է 10970.0 հազ. դրամ:

Շահութահարկի գծով ծախսը կազմել է 5983.0 հազ. դրամ: Զուտ շահույթը շահութահարկի գծով ծախսի նվազեցումից հետո կազմել է 7311.0 հազ. դրամ:

IV. ԱՇԽԱՏԱՆՔ ԵՎ ԱՇԽԱՏԱՎԱՐՁ

2015թ. ընթացքում ընկերության փաստացի աշխատողների միջին ցուցակային թվաքանակը կազմել է 24 մարդ: 2015թ. ընթացքում աշխատանքի են ընդունվել 6 մարդ, աշխատանքից ազատվել՝ 6 մարդ:

Մասնագիտական որակավորում պահանջվող աշխատողների 100 %-ը ունեն համապատասխան բարձրագույն կրթություն:

2015թ. ընթացքում աշխատողներին վճարված աշխատավարձը և դրան հավասարեցված վճարները կազմել են 77347.0 հազ. դրամ, միջին աշխատավարձը կազմել է 269.0 հազ. դրամ:

Ընկերությունում գործում է <Անալիտիկ> ՓԲ ընկերության աշխատողների վարձատրման և խրախուսման կանոնակարգը:

V. ԵԶՐԱՓԱԿԻՉ ԴՐՈՒՅԹՆԵՐ

2015թ. ընթացքում ընկերությունը երկրաբանական նմուշների լաբորատոր հետազոտումներ կատարելու համար կնքել է պայմանագրեր 11 ընկերությունների հետ, ինչպես նաև համապատասխան պայմանագրեր են կնքվել Ընկերության արտադրական գործունեության անխափան ընթացքը ապահովող տարբեր կազմակերպությունների հետ:

2015թ. ընթացքում նախատեսված բոլոր հարկերը յուրաքանչյուր ամիս, օրենքով նախատեսված ժամկետներում, վճարվել են պետություն:

2015թ. դեկտեմբերի 1-ի դրությամբ ընկերությունում անց է կացվել ընկերության հաշվեկշռում արտացոլված ակտիվների և պարտավորությունների գույքագրում, որի արդյունքներն արտացոլվել են 2015թ. տարեկան հաշվետվություններում: Ընկերությանը հասցված վնասի, անօրինական դուրս գրումների, վճարումների և ծախսերի դեպքեր, ինչպես գույքագրման արդյունքներով, այնպես էլ տարվա ընթացքում չեն արձանագրվել:



Ս. Սարգսյան

Հաշվապահական հաշվեկշռի N2 Ձև-ի բացվածք

տող 010	Արտադրանքի, ապրանքների, աշխատանքների ծառայությունների իրացումից հասույթ	հազ. դրամ 105042
•	երկրաբանական նմուշների հետազոտումից հասույթ	105042
տող 020	Իրացված արտադրանքի, ապրանքների, աշխատանքների, ծառայությունների ինքնարժեք	74414
•	արտադրական աշխատակազմի աշխատավարձ և դրան հավասարեցված վճարումներ	51633
•	նյութական ծախսեր /նյութեր, արագամաշ առարկաներ/	9246
•	արտադրական նշ. հիմն. միջոցների նորոգման, սպասարկման ծախս	954
•	մաշվածություն	10212
•	էլ. էներգիա	1958
•	այլ ծախսեր / ջուր, այլ/	411
տող 050	Վարչական ծախսեր	30286
•	վարչական անձնակազմի աշխատավարձ և դրան հավասարեցված վճարումներ	25714
•	գործուղման ծախսեր	1013
•	փոստի և հեռահաղորդակցության ծախսեր	783
•	գրասենյակային և կոմունալ ծախսեր	608
•	բանկային ծառայության ծախսեր, ապահովագրական ծախսեր	219
•	առողջապահական ծառայության ծախսեր	1815
•	այլ	134
տող 070	Գործառնական այլ եկամուտ	7338
•	վարձակալություն	7249
•	այլ	89
տող 080	Գործառնական այլ ծախսեր	1257
•	հարկեր /հողի հարկ, գույքահարկ/	1128
•	այլ ծախսեր / տույժ և այլն/	129
տող 130	Այլ ոչ գործառնական շահույթ (վնաս)	2968
•	ընկերության դրամական միջոցները բանկում ներդնելու արդյունքում /ավանդ/ ստացված տոկոսներ	2972
•	Փոխարժեքի տարբերություն	(4)
տող 160	Ջուտ շահույթ (վնաս) նախքան շահութահարկի գծով ծախսի նվազեցումը	9391
տող 170	Շահութահարկի գծով ծախս (փոխհատուցում)	2080
տող 180	Ջուտ շահույթ (վնաս) շահութահարկի գծով ծախսի նվազեցումից հետո	7311

«Անալիտիկ»
գլխավոր տն.



Ս. Սարգսյան